

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>




www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





舍利弗陀羅尼經
佛說無量門破魔陀羅尼經

梁扶南國三藏法師僧伽婆羅
末西域沙門功德直共音陽
譯

舍利弗陀羅尼經、佛說無量門破魔陀羅尼經



清刻龍藏佛說法變相圖

二經同卷

舍利弗陀羅尼經

佛說無量門破魔陀羅尼經

莫六

舍利弗陀羅尼經

莫六

梁扶南國三藏法師僧伽婆羅譯

如是我聞一時佛住毗舍離國大林精舍與
 大比丘衆一千二百五十人俱爾時佛念却
 後三月當入涅槃即告長老目捷連汝當至
 千世界告比丘僧令到佛所是時目連受佛
 教旨於一念間到須彌山頂發大音聲徧告
 一千世界爾時大林精舍有四十億萬比丘
 衆俱到佛所頂禮佛足退坐一面爾時長老
 舍利弗一心思惟我當以神通之力徧令三

千大千世界有比丘衆處皆使集此大林精舍即以神通徧令三千大千世界若聲聞衆若緣覺衆若菩薩衆一時來集到已頂禮佛足爾時世尊於一念頃告諸菩薩其名曰善見菩薩文殊師利菩薩除意趣菩薩斷暗冥菩薩出一切境界竟菩薩伏諸蓋菩薩觀世音菩薩香象菩薩樂說頂菩薩彌勒菩薩善男子汝當到於十方恒河沙等諸佛世界有諸菩薩一生補處菩薩阿鞞跋致菩薩已得無生法忍菩薩汝當徧告皆來集此是時諸菩薩聞佛此語答言善哉善哉即便受教於一念頃以神通力徧集十方恒河沙等諸佛世界一切菩薩皆悉集此大林精舍百千三十萬億那由他一生補處菩薩阿鞞跋致已得無生法忍菩薩百千萬億那由他一生補

處菩薩三十萬億那由他不退無生法忍菩薩一切皆集俱禮佛足却坐一面是時舍利弗見諸菩薩大衆一心思惟我今當問如來正徧知所未聞法以此問故諸菩薩等當得無疑當無障礙樂說智慧當聞恒河沙世界諸佛說法乃至未得阿耨多羅三藐三菩提當憶宿命當得菩薩四種清淨云何爲四衆生清淨法清淨樂說清淨佛土清淨復得四妙好法云何爲四身妙好口妙好心妙好生處妙好復得入四種陀羅尼門云何爲四謂無盡受持陀羅尼門入衆生諸根方便陀羅尼門業果報方便無礙陀羅尼門深法忍陀羅尼門如所思惟次第發問如貫摩尼珠白佛言世尊我今欲次第發問今諸菩薩德行清淨惟願世尊當爲我說佛告舍利弗諸菩

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



薩摩訶薩若欲到一切諸法而無所著者當說此呪

修尼一 修喬二 摩喬三 沙萬多母喬四 育底五
 尼育底六 尼鹿底七 婆羅鞞八 喜隸九 柯羅波十
 柯羅波死十一 娑隸十二 婆羅婆底十三 喜羅喜履十四
 喜隸喜履隸十五 喜羅喜隸十六 際底十七 遮婆彌十八
 遮羅遮羅彌十九 遏多底二十 阿羅彌二十一 尼摩第二
 尼跋多彌二十三 尼持耶底二十四 尼訶隸二十五
 比摩隸二十六 輸婆彌二十七 婆羅已履底雉波彌八
 十 娑婆毗訶婆彌九 十 娑阿僧祇十一 陀弭十二
 毗富蠟波羅鞞十三 十 僧柯羅里沙彌三十四 地隸地地隸三十四
 摩訶地地隸三十五 耶奢婆底三十六 珊遮隸三十七
 阿遮隸三十八 摩遮隸三十九 娑摩遮隸四十 地履陀地一
 十 宿婆恥底二 十 阿僧伽毗訶隸

四十 阿僧伽尼訶隸四十 尼訶羅毗摩隸四十
 三 尼訶羅輸頗尼四十 持犁他須弭四十 娑
 五 尼訶羅輸頗尼四十 持犁他須弭四十 娑
 他弭四十 婆他摩婆底九 十 摩訶波羅陞十五
 娑曼多婆羅陞一 十 毗富羅波羅陞二 十 毗
 富羅賴沙弭三 十 婆羅多木喬四 十 薩跋多
 羅阿菟伽底五 十 阿那支第六 十 陀羅尼陀
 羅尼七 十 尼陀多瞿諦隸八 十 莎呵九 十
 舍利弗若有菩薩修行此陀羅尼呪不思惟
 有為無為法不說此法不觀此法不著此法
 不作此法不為得此法不斷此法不為增減
 不見相應法不相應法不見生滅不見三世
 不見退法不見聚散法亦無所說唯修念佛
 不念色不念相好不念非相好不念戒不念
 非戒定慧解脫解脫知見亦如是不念種姓
 親友眷屬住處非住處至非至不分別陰界

入不念智非智不念自他清淨衆生清淨非衆生清淨不爲自義不爲他義不念三業清淨不念現在未來行清淨舍利弗此謂念佛名取入一切諸法名得一切諸法行方便陀羅尼亦名修行第一義亦名滿所樂此定名一向爲得菩提亦名一切善根不由他修行法藏性亦名覆相好陀羅尼亦名覓方便陀羅尼亦名度魔陀羅尼舍利弗此陀羅尼無邊行願若當來菩薩得此義成不退轉阿耨多羅三藐三菩提當速得無上道何以故此

英六

無盡亦無滅	習智慧衆具	當得無上道
菩薩受持此	陀羅尼法門	能聞十方佛
所說微妙法	亦知第一法	文字及句義
如日月光明	徧照無不盡	菩薩了諸法
其相亦復然	此陀羅尼門	攝一切諸法
衆生有疑惑	一切諸問難	持陀羅尼者
悉皆能解說	於此菩薩智	未曾有退滅
此是佛真子	速得至菩提	持陀羅尼者
諸佛之所念	衆生所尊重	持陀羅尼故
現身能得見	八千萬億佛	諸佛手所摩
慰喻令安隱	能於一月日	受持陀羅尼
億千劫中罪	一切皆滅盡	於無數劫中
修習諸功德	一月陀羅尼	功德等於彼
一切諸天魔	無有能留難	持此陀羅尼
定慧諸功德	一切諸佛法	悉皆能總持

說陀羅尼門

莫六

有人決定信

五

於未來世中

必得無上道

昔者然燈佛

聞陀羅尼故

為諸佛所記

成道號然燈

樂於一念頃

見恒河沙佛

亦樂知十方

諸佛所說法

受持陀羅尼

悉得果所樂

其人必有力

淨諸佛國土

光明及相好

眾事皆具足

無相無所著

不求餘果報

惟願與眾生

速得無上道

是故汝今日

修行勤聽受

未來必定得

無上三菩提

佛告舍利弗若菩薩成就四法當得陀羅尼

云何為四不樂愛欲不嫉妬於一切眾生能

捨一切日夜思惟諸法無有惱恚舍利弗若

菩薩成就此四法得此陀羅尼爾時世尊說

此祇夜

愛欲嫉妬是魔王法當入地獄行人應捨

財法二種以施眾生日夜思惟不起惱恚

若能如是得陀羅尼

復次舍利弗若菩薩成就四法得此陀羅尼

何等為四修阿蘭若行持深法忍不樂利養

名聞所愛之物一切能捨乃至身命菩薩成

此四法得陀羅尼佛說此祇夜

修行阿蘭若善人所讚歎身心寂不動

常住於林中燒頭不放逸樂起深法忍

名聞及利養一切無所著清淨無染心

以求無上道能捨諸所重妻子及身命

不生悔悵心終當歸磨滅菩薩勤精進

修上四種行如上陀羅尼不久必能得

復次舍利弗若菩薩成就四法得此陀羅尼

云何為四入八字義云何八字婆字入一切

諸法無我義羅字入相好無相好法身義婆

字入二義愚人法智人法義闡字入生老病死不生不老不病不死不生不滅義舛字入度業果報義他字入持陀羅尼法度空無相無作法界義沙字賒摩他毗婆舍那賒摩他毗婆舍那者入如真實一切法義履字入一切諸法念念生滅不盡不破本來寂靜故此八字義可知可入此謂初入義此陀羅尼法總名書已當受持此第二入義此法總名當半月半月誦憶此第三入義菩薩當以此陀羅尼教化讚歎令他歡喜此第四入義舍利弗以此四法令菩薩得此陀羅尼佛說此祇夜

書寫及受持 思惟上八字 半月常習誦
 教化諸衆生 得近無上道 最勝智慧處
 常見諸如來 亦聞說妙法

若有諸菩薩受持陀羅尼獲四功德云何爲四十方諸佛世尊常所護念不爲魔王之所障礙身口意惡悉皆滅除得無盡樂說舍利弗若有菩薩受持陀羅尼得此四種功德佛說此祇夜

莫六

七

有諸佛護念 衆魔不能沮 三惡業消滅 樂說辯無邊

爾時佛告舍利弗乃往古昔無數阿僧祇劫是時有佛名寶吉光王如來應供正遍知十號具足出興於世教化衆生此佛滅度有轉輪聖王名持光明七寶具足彼王有子名不可思議功德吉年十六歲彼佛滅後聞說此陀羅尼即於七萬世中不睡眠懈怠七萬世中不貪王位不惜身命及餘財物七萬世中未曾寢卧一向坐禪常聞九十億萬那由他

諸佛所說法既聞法已佛記出家過九十萬世得陀羅尼名取無邊門得已為衆生說於一生中教化八十億百千萬那由他衆生令住不退地當得阿耨多羅三藐三菩提是時衆中有長者子名曰月蓋從彼聞說取無邊門陀羅尼聞已隨喜以隨喜功德為九十億萬佛之所授記汝於受持陀羅尼中最高第一一切衆生聞汝所說悉皆愛樂諸有問難無能壞者汝於來世過三阿僧祇劫教化諸衆生皆得阿耨多羅三藐三菩提舍利弗於汝意云何彼時不可思議功德吉王子豈異人乎即無量壽佛是長者子月蓋然燈佛是舍利弗我昔及諸菩薩聞說此陀羅尼聞已隨喜以此善根四百萬劫不生惡趣是故舍利弗若菩薩摩訶薩樂速得菩提當隨喜此

取無邊門陀羅尼及勤精進何以故菩薩成就住不退地當得三菩提故何況有人書寫讀誦受持解說唯除諸佛無能說此功德邊際佛說此祇夜
 過去無數劫 有寶吉如來 出世化衆生
 有無量利益 彼佛涅槃後 有轉輪聖王
 子名功德吉 年始十六歲 於如來滅後
 聞說陀羅尼 即於七萬世 無睡眠懈怠
 不貪著財物 王位及身命 聞九十億萬
 那由他諸佛 所說妙法門 一心能聽受
 如來即記彼 過九十萬世 得陀羅尼法
 名取無邊門 得已為人說 利益無數衆
 皆令住不退 無上三菩提 長者子月蓋
 聞說陀羅尼 起隨喜功德 諸佛為授記
 汝受陀羅尼 是最為第一 若為他人說

無不愛樂者 若人有問難 無有能破壞
汝於未來世 過三僧祇劫 所可化衆生
當得無上道 長者子月蓋 然燈如來是
先所說法師 即無量壽佛 我及諸菩薩
昔聞陀羅尼 四百萬劫中 不生諸惡趣
菩薩若欲得 無上徧知道 當勤行精進
隨喜陀羅尼 所以然者何 住不退轉地
若能隨喜者 功德已如斯 何況書讀誦
解說其義者 假設有七寶 滿恒沙世界
如此布施福 不可得相比 是故有智人
應當勤精進 聽受陀羅尼 以求無上道
舍利弗若菩薩受持此陀羅尼有八夜又住
在雪山日夜守護爲增壽命云何爲八勇猛
夜又堅固夜又自在夜又那羅延力夜又法
用夜又不可繫夜又曲齒夜又善肩夜又舍

利弗是八夜又常守護彼受持陀羅尼人若
淨洗浴著新染衣常習經行於諸衆生不生
害心常自思惟此總持法彼諸夜又速來守
護復有八大菩薩在欲天住彼常護念受持
陀羅尼者其名曰光明菩薩慧光明菩薩日
光明菩薩教化菩薩令一切意滿菩薩大自
在菩薩宿王菩薩行意菩薩彼諸菩薩得陀
羅尼若菩薩得陀羅尼當成實願知恩菩薩
若持陀羅尼當得真實法與衆生共之若菩
薩受持陀羅尼當具足功德成就深慧佛說
此法三十百千億那由他菩薩得此取無邊
門陀羅尼不退阿耨多羅三藐三菩提八毗
婆羅數諸天及人發阿耨多羅三藐三菩提
心長老舍利弗白佛言世尊云何名此經云
何受持佛告舍利弗此經名取無邊門陀羅

尼汝當受持亦名菩薩一向所行汝當受持
亦名除一切諸魔汝當受持亦名得一切智
汝當受持爾時舍利弗及諸菩薩天龍夜叉
捷闍婆阿脩羅迦樓羅緊那羅摩睺羅伽人
非人等聞佛所說歡喜奉行

舍利弗陀羅尼經

佛說無量門破魔陀羅尼經

莫六

宋西域沙門功德直共音陽譯

如是我聞一時佛住毗舍離大林重閣與大比丘衆一千二百五十人俱是時世尊默然自念化緣將畢應捨壽行却後三月當般涅槃爾時如來即於是處便勅長老目捷連汝往徧告大千世界諸比丘衆一時令集目連白佛唯然奉教一念之頃到須彌頂宣大音聲普聞大千即有四百千比丘忽然來集大林重閣是諸比丘既見世尊頂禮佛足却住一面時舍利弗即生念言我今亦應以神通力往至三千大千世界諸比丘僧所住之處徧告一切行聲聞乘辟支佛乘學大乘者皆當令集大林重閣時舍利弗即以神力往至三千大千世界諸比丘僧所住之處宣

告一切行聲聞乘辟支佛乘求大乘者今可皆集大林重閣時諸大衆即如其言到已稽首却住一面爾時世尊告諸菩薩汝等即時皆應來集時不空見菩薩文殊師利菩薩不捨惡趣菩薩斷一切憂昏菩薩施一切菩薩除一切礙菩薩觀世音菩薩香象菩薩最高辯菩薩彌勒菩薩摩訶薩等同時俱來至如來所爾時世尊而告之曰諸善男子汝今可往十方恒沙諸佛刹土告衆菩薩摩訶薩等其有已得無生法忍及住不退諸餘菩薩乃至位階一生補處諸大菩薩咸使令集時諸菩薩即承聖旨徧至十方召諸菩薩彼諸大士既聞宣告皆稱善哉唯然敬諾時九萬億百千那由他諸菩薩等皆悉已得無生法忍復有三億百千那由他菩薩住不退轉又億

百千諸大菩薩各各皆是一生補處如是一切諸菩薩等以神通力於一念頃皆悉來集大林重閣爾時大衆見世尊已頂禮佛足却坐一面時舍利弗既見十方諸菩薩等皆悉來集即生念言我於今者當請如來應正徧知問如是相以我所問為斷一切諸菩薩疑得深智辯於恒沙佛所聞妙法未曾一念而生廢忘乃至未得無上菩提諸菩薩等皆應修是四淨妙行何謂為四一者衆生淨二者法淨三者辯淨四者佛土淨復令菩薩生四正念何謂為四正念於身正念於口正念於心正念於生復有四法漸得深入陀羅尼門何等為四一得無盡宣說善入陀羅尼門二知衆生諸根巧便速得入於陀羅尼門三知有為業報巧便亦得入於陀羅尼門四得甚

深無生法忍疾得善入陀羅尼門時舍利弗如其所念即白佛言此諸菩薩欲修淨行唯願世尊矜愍為說令得修行爾時佛告舍利弗言此諸行者發廣大心若欲修行菩薩法者又欲於法心無所著無取無捨是諸行者應當受持誦念如是陀羅尼呪神妙章句

阿禰奴帝切一阿企起祇切二摩企三三曼哆觀我切目企四育帝觀美切五尼陸帝六尼陸底觀失切七鞞鞞蒲詣切八嘻許者切九隸九劫臂瞞迷切十劫波伺十一婆隸十二二婆羅跋帝三十嘻羅嘻利四十嘻隸嘻黎隸五十嘻羅嘻隸六十遮主何切帝七十遮槃禰八十遮羅遮羅禰九十遏怛帝十二阿蘭禰二十涅未題徒隸切二涅跋多禰二十昵闍殊何切帝二十禰呵隸二十毗摩隸六輸檀禰二十跋羅盧可切訖帝都至切提槃禰八婆婆蒲餓切毗婆跋禰十二

九 阿僧祇十三 陀迷莫計切 毗富羅鞞鞞蒲詰切

十三 迦釐沙三十 提隸提隸三十 摩呵

提提隸三十 邪耆跋帝三十 遮隸三十 阿遮

隸三十 摩陀隸三十 三蘇耆切 摩遮隸四十 致馱

珊地四十 頰扶充質切 帝四十 阿僧伽毗呵隸

三 阿僧伽尼呵隸四十 毗呵邏毗摩隸四十

五 膩呵邏輸檀膩四十 致芥蘇寐四十 吡賀切

切 彌四十 吡摩婆帝四十 摩呵鞞鞞五十 三曼

哆鞞鞞五十 毗富羅鞞鞞五十 毗富羅賴盧切

切 彌五十 三曼多目企五十 薩婆哆孺女留切

竭帝五十 阿那眇妹支切 豉五十 陀羅尼陀羅

尼五十 尼陀那劬咤莎波呵五十

爾時世尊告舍利弗我向所說陀羅尼呪此諸菩薩及以行者皆當受持讀誦通利而不應取有為無為於一切法無染無著亦勿誹

謗心生獸離亦不攝受勤求修習若取有為

無為諸法當速遠離不應執著不見法合不

見法散不見法生不見法滅亦不見法有去

來今不見法增不見法減不見十二因緣法

起不見十二因緣法滅不宣說法非不宣說

菩薩常應正念諸佛非色非無色非相非無

相非義非不義非戒非不戒非定非不定非

慧非不慧非解脫非不解脫非解脫知見非

不解脫知見非族姓非不族姓非眷屬非不

眷屬非行非不行非到非不到非時非不時

非陰入界非不陰入界非智非不智非說法

非不說法非我淨非他淨非衆生淨亦非不

淨非自義非他義非法非律非身口淨亦非

意淨又非過去來今行淨不為自不為他告

舍利弗如是說者此則名為菩薩念佛皆悉

攝入一切諸法名為永到諸法等集微妙總持陀羅尼門又復名為第一義辯最勝無礙陀羅尼門亦名滿足一切諸願陀羅尼門又名必得菩提一分諸深三昧陀羅尼門又名辯攝諸餘善根陀羅尼門亦名法藏性相妙義真實之行陀羅尼門復名有為方便超過降伏諸魔陀羅尼門又舍利弗此陀羅尼名說無量法門是諸行者皆當獲此甚深義利疾得無上菩提之道所以者何是陀羅尼名為諸佛決定大乘一切德甚深法藏是處名破一切衆生生死之行無染法戒陀羅尼門爾時世尊即說偈言

無求於空法 不戲論菩提 隨順法界性
 速得陀羅尼 勤聽習此經 無盡陀羅尼
 於是得成就 一切智明慧 若欲求菩提

持此陀羅尼 以是行者得 修習總持故
 即聞十方佛 廣說諸法界 既聞一切法
 深解第一義 如彼日光曜 明解亦如是
 以得修最勝 微妙陀羅尼 受持斯經故
 常得覩諸佛 假使諸衆生 經於一劫中
 欲得問難者 行者悉能斷 菩提辯如是
 不可得窮盡 如此諸行者 即是法王子
 已得近最勝 無上菩提道 若樂聞此經
 當近是法師 是諸佛世尊 不但念行者
 亦愍諸衆生 如慈母愛子 此人行世間
 持是陀羅尼 爾時即能見 一億諸世尊
 若人億千劫 先世造衆罪 一月持此經
 其罪悉除滅 一切諸世尊 皆當授其手
 假使諸菩薩 億劫積功德 若能一月持
 如此陀羅尼 所得功德報 其福過於彼

莫六

十五

三界諸衆生	設使皆爲魔	無能沮壞此
持陀羅尼者	若行者憶念	最上陀羅尼
復能常誦持	乃至得菩提	說此陀羅尼
是名決定持	一切諸衆生	即當於是處
皆悉現前得	無上菩提道	聞是陀羅尼
燈明佛所記	即於俄頃間	得觀恒沙佛
若樂於諸佛	及知其所在	應修持是經
皆即隨其意	若欲得清淨	最妙佛刹土
光相甚明徹	聲聞衆具足	持此陀羅尼
一切皆當得	行者應精進	七日七夜中
思惟陀羅尼	觀八十億佛	不思於惡思
亦不思異思	專思如是經	疾得陀羅尼
譬如入大海	更不求他寶	得此陀羅尼
終不願餘樂	所以修此經	欲近深菩提
當得無上道	到於寂滅處	

佛告舍利弗菩薩行者具足四法得陀羅尼
 何謂爲四不著穢欲於諸衆生不起嫉妬施
 諸財物心無悔吝晝夜常樂修習善法又舍
 利弗菩薩具足如是四法得陀羅尼爾時世
 尊即說偈言

棄彼汙穢欲	及捨鄙魔行	如此欲因緣
即是地獄趣	於他親名利	不生嫉妬心
慈眼觀衆生	得大威妙形	衆生若諍訟
皆由此身起	是故應棄愛	必得陀羅尼
晝夜常求法	一心樂菩提	行者即能得
如此陀羅尼	常應現前修	如是等四法
爾時如來告舍利弗如此四法常應修學又		
舍利弗復有四法行者具此得陀羅尼何謂		
爲四一者常當精勤修習阿蘭若行二者於		
彼甚深法忍堪任奉持三者不著利養名譽		

莫六

十六

四者棄於一切所愛淙著之處悉皆能舍乃至身命況餘財物舍利弗菩薩具足如此四法得陀羅尼爾時世尊即說偈言

常修阿蘭若 住於不放逸 勤行深忍心 當如忍頭然 斯行最殊勝 諸佛之所讚

不於他眷屬 名譽利養等 及以諸財物 而生貪愛心 少欲及知足 如鳥無儲積

既已得人身 常應修衆善 善哉得佛法 出家棄苦本 憍慢諸煩惱 悉已得清淨

應當勤恭敬 尊重佛法僧 貪利失念智 亦喪信戒心 去菩提甚遠 是故當棄貪

又舍利弗行者復應成就四法得陀羅尼何等為四有八字義云何為八所謂波字是第

一義一切諸法入無我義羅者相好此相好

者入於如來法身之義婆者嬰兒嬰兒法者

決定趣入聰慧之義闇者生老病死之患是

生老等入無生滅迦者作業入無業報陀者

總持陀羅尼法空無相願趣入法界奢者舍

摩他毗婆舍那舍摩他等入一切法又者諸

法無住無盡亦無破壞又無前後如是諸法

莫六

十七

趣入涅槃如是八字皆入此義菩薩當隨而

入之是則名為初第一法應善書寫精勤受

持如是總持陀羅尼典是名行者入第二法

半月半月應讀誦念如是總持陀羅尼法是

名行者入第三法行者常應專心思念如是

總持陀羅尼法令諸衆生皆悉歡喜誘引其

意務使精敏是名行者入第四法舍利弗行

者具足如是四法得此陀羅尼爾時世尊即

說偈言

書持陀羅尼 思惟八字者 若半月半月

專勤常讀誦 衆生於是處 修習恒繼念
親近於廣大 菩提甚深智 決定能現見
十方一切佛 是故於此法 應修勤學心
佛告舍利弗菩薩摩訶薩有四法利常當專
習何謂爲四一者正念十方諸佛二者究竟
無諸魔事三者是人速離業障四者疾得無
斷微妙甚深辯才又舍利弗如是四法行者
應當專勤修習此陀羅尼必獲法利爾時世
尊卽說偈言
應正念諸佛 衆魔所不攪 悉得速遠離
一切諸業障 亦獲無量億 辯才陀羅尼
佛告舍利弗乃往宿世無量無邊阿僧祇劫
是時有佛號曰寶勝火聚光明如來應供正
徧知明行足善逝世間解無上士調御丈夫
天人師佛世尊出現於世舍利弗寶勝火聚

光明如來般涅槃時有轉輪王名曰星持七
寶具足領四天下其王有子名不思議功德
最勝而是王子至年一千六百歲時寶勝火
聚光明佛所初得聞此陀羅尼法即便解悟
專精修習經七萬歲晝夜不懈未曾疲怠目
不暫閉王子復於七萬歲中捨身命財及以
王位又七萬歲獨靜一處精勤經行脅不著
地復於九億百千那由他諸如來所聞說法
已皆悉受持讀誦通利王子即便出家修道
經九萬歲受持成就如此無量陀羅尼門時
此比丘成就是已廣爲衆生宣示其義比丘
王子卽於此生化八十億那由他百千衆生
皆悉安住阿耨多羅三藐三菩提道亦復證
於不退轉地又舍利弗爾時衆中有長者子
名曰月幢是長者子於彼比丘法師所聞如

此無量陀羅尼門聞已即便隨喜頂受月幢
 以此隨喜善根功德因緣值九十億諸佛世
 尊恭敬供養得此最上陀羅尼法於諸言論
 最為殊勝又獲第一不斷辯才王子比丘三
 劫供養是諸佛已得無上道又舍利弗勿生
 疑惑爾時王子比丘法師今無量壽如來是
 也爾時月幢定光佛是佛告舍利弗我與賢
 劫諸菩薩等俱共聞此陀羅尼法即生隨喜
 以此善根功德因緣經歷四十百千劫中常
 勤背捨生死之法於九十億諸如來所得陀
 羅尼最為第一英六言論超絕辯才殊勝十九又舍利
 弗是故行者若欲速得無上道者當受持此
 陀羅尼法若復不能受持書寫讀誦之者但
 生隨喜所以者何緣此善根今是行者必當
 獲得不退轉地至無上道何況受持書寫讀

誦廣為他人敷演之者所得功德唯除如來
 一切衆生不能測量何況思惟廣為人說爾
 時世尊即說偈言
 得此陀羅尼 名為無量門 諸佛常護念
 魔不得其便 業障衆塵勞 皆速獲清淨
 聞此妙典已 隨喜即書寫 受持恒讀誦
 廣為人演說 一切諸衆生 不測其功德
 行者所生處 常得見諸佛 獲不思議信
 善解深經義 是行者疾得 最上菩提道
 三昧通無盡 陀羅尼亦然 形色恒具足
 福報常相繼 見佛及聞法 無時而暫缺
 未得菩提間 永保斯功德 我念宿世時
 已聞此總持 見於恒沙佛 得無上菩提
 譬如昔月幢 得成定光佛 過去功德勝
 法師比丘者 今見無量光 阿彌陀佛是

我與賢劫中 無量諸菩薩 俱聞此經典
 深心共隨喜 若樂速親近 無上菩提道
 又樂疾降魔 復樂百福嚴 當勤心總持
 得此不為難 若人以珍寶 滿恒沙世界
 布施於一切 皆使得豐足 但能書此經
 其福過於彼 是故應靜聽 一心初不亂
 書寫與受持 及以善思惟 如此深妙典
 斯為智菩薩 疾得於菩提 不足以為難
 又告舍利弗若有行者專心繼念此陀羅尼
 有八夜又住在雪山晝夜擁護如是行者除
 諸衰患益其勢力何者為八一名首羅此言勇健
 二名繳栗馱堅三名簸臘復多衆四名那羅
 延婆邏大力士也五名那隸因馱羅主人六名突陀
 利沙無能誹謗七名迦羅邏柴八名修婆睺好臂也
 告舍利弗行者應當以好帛素圖畫如此八

鬼神像以鮮彩色極令清淨不得雜用衆生
 之膠行者若欲讀誦此經先應沐浴著淨衣
 服專心祈請此八鬼神為設種種香潔飲食
 衆妙雜香散華華鬘及淨油燈以供養之行
 者復應彩畫於地如圓輪座自在其上右膝
 著地手執香鑪一心慈念無量衆生七徧微
 誦陀羅尼呪是八鬼神即現其身欲界天中
 有菩薩是八大士見此行者敬誦如此陀羅
 尼時亦常護念益其勢力何者為八衆光菩
 薩智光菩薩日光菩薩問難菩薩一切願滿
 菩薩大力菩薩星王菩薩妙意菩薩是八菩
 薩及八鬼神令此行者一心專修得陀羅尼
 法力勢力使諸衆生皆愛念之一切所須隨
 意不乏百由旬內無諸衰患如是行者應當
 修陀羅尼發真實願憶念所行精勤愛樂一

切善法分布施戒等心廣惠隨彼多少無所吝惜行者受持此陀羅尼又應尊重佛及法僧於三寶所恆生敬畏一心專修甚深法忍世尊說此陀羅尼時三千恒河沙百千億那由他諸菩薩等悉得此陀羅尼門名說無量人復證於不退轉地當得阿耨多羅三藐三菩提六十頻婆羅諸天人等未發無上菩提心者今皆悉發無上道意時舍利弗白佛言世尊何名斯經云何奉持告舍利弗此經名為無量門總持陀羅尼如是受持亦名摧破一切衆魔總持陀羅尼如是受持亦名菩薩一分超意總持陀羅尼如是受持亦名一分得一切智總持陀羅尼如是受持爾時世尊說此經已舍利弗等諸大聲聞菩薩人天修羅伽樓羅乾闥婆緊那羅摩睺羅伽一切世

間聞佛所說歡喜踊躍頂戴受持作禮而退

佛說無量門破魔陀羅尼經

音釋

阿鞞跋致 梵語也此云不退轉 裔 余制 兜 奴侯切 舸 各可切 儲 直魚切 脅 虛業切 緻 直利切 斲 補過切

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

